



## Universitätsbibliothek Paderborn

**TRACTATVS|| DE CON-||FESSIONIBVS MA=||LEFICORVM ET  
SAGA-||RVM SECVNDÒ RECOGNI||tus, & auctior redditus.||  
An, & quanta fides ijs adhibenda sit?||**

**Binsfeld, Peter**

**Avgvstae Trevirorvm**

**VD16 B 5530**

Lex IX. & finalis. Quicunque maleficorum labe pollutum audierit,  
depræhenderit, occupauerit: ilico ad publicum pertrahat, & iudicium oculis  
communis hostem salutis ostendat. ...

**urn:nbn:de:hbz:466:1-41113**

nisi à Deo. Quæ autem sunt à Deo, ordinatae  
sunt. Itaque qui resistit potestati, Dei ordinatio-  
ni resistit. Qui autem resistunt, ipsi sibi dam-  
nationem acquirunt.

## LEX IX. &amp; finalis.

*Quicunque maleficorum labi pollutum  
audierit, deprehenderit, occupauerit: illico  
ad publicum pertrahat, & iudicium oculis  
communis hostem salutis ostendat. Si quis-  
quam ex agitatoribus, id est aurigis, seu ex  
quolibet alio genere hominum contra hoc  
editum venire tentauerit, aut clandestinis  
supplicijs etiam manifestum reum maleficæ  
artis oppresserit: ultimum supplicium non e-  
uadat, gemina suspicione obnoxius, quod  
aut publicum reum, ne facinoris socios pub-  
licaret, seueritati legum, & debitæ subtra-  
xerit questioni: Aut proprium fortassis ini-  
micum sub huiusmodi vindictæ nomine,  
consilio atrociore confecerit.*

**C**IRCA hanc L. notandum est ex Doctori-  
bus, qui in hanc, sicut in alias leges huius  
tituli, breuissimè commentati sunt, quod ma-  
leficum licet cuilibet propria auctoritate ca-  
pere.

pere, & Iudici præsentare. Quod singulare est, sed ita intelligendum, (quamuis Doctores generaliter loquantur) quando in manifesto criminis depræhenditur. Regulariter autem in alijs criminibus prohibitum hoc est. Commune autem est in hoc criminis & in alijs, quod nemini licet maleficum etiam manifestum propria auctoritate occidere. Deinde ex hac lege in illis verbis (*Ne facinoris socios publicare, &c.*) colligunt DD. crimen maleficij esse de genere exceptorum. Alberic. h̄c & Godefrid. Glossa & Salycet. in L. fin. C. de accusat. Barto. in L. Repeti. de quæst. Marsil. ibid. Bald. lib. i. consil. 95. incip. Regula iuris. Panormitan. Ioan. Imol. & Anthon. à Butr. in cap. i. de confess. & alij, quos cito ad longum in 2. memb. tractat. de confess. malef. conclus. i. ratione 3. Quare consequenter tradunt, confessum de se in hoc criminis super aliorum scilicet sociorum criminis conscientia, posse & debere interrogari, & interrogatus in conscientia, sub pœna peccati mortalis tenetur facinoris socios iudici publicare, ut in 2. memb. d. tract. ostensum latius est. Vnde communis regula eruitur, quam ponunt Glossa cum text. in cap. 2. de confessis. Panorm. Anthon. Ioan. Imol. Cardinal. Zabarella. Hostiensis, & omnes Doctores ibidem, cum Iurisperitis. in L. fin. C. de accusatio. quod in criminibus exceptis de se confessio, credendum est contra socios criminis, non

Aaa qui-

quidem quantum ad condemnandum, sed ad præsumendum. Alias profectò non est inuenire discrimen inter crimina excepta, & non excepta, secundum mentem canonum & legum, ac Doctorum. Maximè autem inquirendum in hoc crimen de socijs, quia malefici communiter, ut experientia docet, habent socios, & credo haud ex multis repertum vnum, qui solus sine socijs hoc scelus commisit. Præterea cum malefici sint hostes communis salutis, iuxta præsentem L. contra socios inquirere etiam tendit ad communem salutē omnium. Quia nisi maleficorum crimen raditus extirpetur, salus communis non habebitur. Præterea cum DD. aduertēdum est, quod si quis propria auctoritate notorium maleficū interficerit, duplē suspicionem ex hac L. incurrit, tum quod conscius sit maleficij, timueritq; ne socios detegeret, si tortura adhibeatur; tum quod ratione vindictæ fortassis fecerit. Circa hunc articulum notat Bald. singulariter, quod non licet subtrahere aliquē reum quæstiōni, vel torturæ, nec facere, quod veritas non possit apparere. Ex dictis mala præsumptio sumitur contra eos, qui aliquando maleficiis consulunt, aut eos admonendo instruit, ut fugiant, quando grauibus indicijs laborāt: Hi incurront suspicionem, aut quod socij criminis sint, aut quod veritatem velint latere & iustitiam impedire; aut quod magis ament

ament corporis & famæ estimationem rei  
contra ordinem charitatis, quām eiusanimæ  
salutem, quæ præstat omnibus rebus in hoc  
mundo habitis.

*Circa hanc L. cùm Doctores ex ea colligant, nominationē maleficū facere præsumptionem contra socium facinoris, breuiter tractandum est de indicijs, ex quibus crimen maleficorum deprehendi potest.*

## DE INDICIIS CRIMI- nis maleficij.

**N**O T A N D V M in primis, quod diuersus est gradus indiciorum. Quædam enim sunt remota: quædam propinqua: alia propinquissima.

Deinde in materia indiciorum multum valet omnium iudicio arbitrium iudicis: falluntur tamen aliqui in intelligentia huius nominis, aut saltem in iudicio, qui putant, quod arbitrium iudicis sonet, quod ipsi ex suo capite & voluntate possint definire, & quod eorum propria prudentia debeat formare iudicium. Iudicis arbitrium formandum est ita, ut sit iuri & æquitati consonum, & in hoc non debet sequi propriam conscientiam, sed publicam scientiam, vt multis allegationibus ostendunt Andreas Barbatius

Aaa 2      in cap.